



BASES: I MARATÓN FOTOGRÁFICO DO CONCELLO DE CAMARIÑAS “IMPLÍCATE”

Programa contra a violencia de xénero: “ Hai outro lado”

9 de NOVEMBRO DE 2008

Con ánimo de continuar o traballo establecido dende o ano 2002, no ámbito da igualdade de oportunidades e na prevención e sensibilización da violencia de xénero, a Área de Igualdade do Concello de Camariñas está a levar a cabo un programa integral en contra da violencia de xénero denominado “Hai outro lado”, no que se enmarca o I Maratón Fotográfico do Concello de Camariñas “Implícate”.

Queda un largo camiño ata chegar a **igualdade efectiva entre mulleres e homes**. A nosa sociedade sigue impregnada de estereotipos e roles de xénero que colocan as mulleres nunha posición de desvantaxe e que dificultan a completa realización dos seus dereitos como cidadás. É necesario que toda a sociedade non seu conxunto se propoña a igualdade, non só porque é de xustiza social senón porque no se pode prescindir da capacidade, intelixencia e contribución da metade de mais da sociedade.

Os datos frustrantes da **violencia de xénero** evidencian, mellor que nada, o durísimo prezo da loita pola igualdade. O proceso é difícil e será longo porque os cambios culturais adoitan a ser lentos, pero coa implicación de toda a cidadanía poderase logralo. Como dicía Mahatma Gandhi. Político e pensador indio. (1869-1948), “ O mais atroz das cousas da xente mala é o silencio da xente boa”.

A implicación do home na igualdade e loita contra a violencia de xénero é hoxe fundamental, por iso contemplamos neste I Maratón Fotográfica un premio especial a mellor fotografía sobre a temática da violencia de xénero feita por homes. Esperamos que se faga honor o título da maratón **“IMPLÍCATE”** e todos e todas participen nesta actividade que esperamos sexa un motivo de encontro para a ledicia e a celebración do desexo de igualdade para todos e todas.

PARTICIPANTES:

Poderán participar todas aquelas persoas interesadas maiores de idade que formalicen a súa inscrición na folla de solicitude oficial, antes do día **31 de outubro ás 13 horas**.

INSCRICIÓN:

A inscrición poderá formalizarse cubrindo a ficha de solicitude persoalmente na Área de Igualdade do Concello de Camariñas, sita na Casa de Pedra, rúa Praza de Insuela, s/n. Por medio do correo electrónico cubrindo a folla de solicitude que encontrará na páxina web.



www.camarinas.net e enviándoa o correo electrónico muller.ssociais@camariñas.net. E tamén por correo certificado ou por Fax o número: 981 73 61 99 ata a data arriba citada.

CATEGORIAS:

Poderase participar en categoría analóxica e/ou dixital. Unha mesma persoa poderá participar nas dúas categorías, pero non ser beneficiaria de máis dun premio. E deberá reflectir as súas eleccións de categorías na folla de inscrición.

As persoas participantes na **categoría dixital** deberán entregar as súas fotos en formato de arquivo JPEG, modo de cor RGB, e a unha resolución suficiente para amplialas a 20*30 como mínimo ou no seu defecto á máxima calidade das cámaras. A organización entregarlle un CD onde inserirán as fotos a concurso realizadas durante a Maratón.

As persoas participantes na **categoría analóxica** deberán entregar as súas fotos no carrete de 12 fotos que lles proporcionará a organización previa elección na ficha de solicitude de si realizarán as súas fotos en branco e negro ou en cor.

NORMAS E DESENVOLVEMENTO DA MARATÓN:

- SAIDA: Ás 11: 00 horas do día 9 de Novembro darase saída ao Maratón no centro cultural da Ponte do Porto onde informarase dos temas obxecto das fotos a realizar ata o seguinte control. Nese momento entregaráselle a cada participante o seu número de identificación e material que deberán poñer e empregar durante o transcurso da maratón.
- TEMAS E CONTROIS: As persoas participantes deberán fotografar catro temas, dous por cada grupo temático. Os grupos temáticos serán a violencia de xénero e a igualdade de oportunidades. Os temas concretos serán facilitados pola organización en cadanseu control. Todas as fotografías deberán realizarse dentro dos límites do Concello de Camariñas. As persoas participantes deberán pasar os controis nos lugares e horas indicadas pola organización. Quedarán descualificada/os aqueles/as participantes que non pasen polos controis obrigados no tramo e horario definido.
- ENTREGA DE FOTOS AO FINAL DA MARATÓN: As persoas participantes deberán entregar o seu carrete ou CD, na casa de pedra de Camariñas, entre as 20:00 e as 21:00 horas. As fotos presentadas deberán ir identificadas cun nome por cada unha delas na folla proporcionada pola organización. As persoas participantes en categoría dixital deberán entregar á organización o CD "Implicate" na que incluírán as catro fotos que representen a cada un dos temas propostos. Se algún participante non pode facer a gravación do CD a organización disporá dun lugar habilitado para realizar a descarga das fotografías. As fotos solo poderán presentarse no material proporcionado pola organización.



Se algún/na participante necesita de equipo informático para realizar a descarga de fotos no CD “Implícate” poderá facelo no lugar e horas que estarán especificadas nas follas de orientación que se entregarán os/as participantes no punto de saída da Maratón.

PREMIOS:

Os premios para as persoas gañadoras serán:

Premio....1000€ á mellor serie fotográfica.

Premio....400€ á segunda mellor serie fotográfica.

Premio especial á mellor fotografía sobre violencia de xénero feita por un home, que consistirá nun fin de semana de estancia en pensión completa nun hotel rústico en Camariñas valorado en 200€.

Os premios estarán suxeitos ás retencións fiscais correspondentes segundo a normativa legal vixente e serán entregadas no acto oficial que determine a organización e que se comunicará as persoas gañadoras.

XURADO:

O xurado de cualificación, realizará a valoración e selección das series e fotografías presentadas. Estará composto polos seguintes membros:

PRESIDENTE: O alcalde do Concello de Camariñas

VOCAIS: Un mínimo de catro persoas relacionadas co mundo da fotografía, da imaxe, artes ou medios de comunicación...

SECRETARIO: Persoal técnico relacionado ca imaxe ou coa fotografía.

EXPOSICIÓN:

Realizarase unha exposición coas fotografías premiadas e mailas seleccionadas polo xurado polo seu interese e calidade técnica e creativa. O lugar e a data será publicitada na web oficial do Concello de Camariñas. O veredicto do xurado e a entrega de premios terá lugar o día da inauguración desta exposición e será inapelable.

NORMAS DO MARATÓN:

Serán descualificados e descualificadas aquelas persoas participantes que non acudan en cada un dos controis obrigatorios no tramo horario determinado en cada control. Así como aqueles/as que incumpran algunha norma das bases da maratón.

A organización non se fai responsable do deterioro ou extravío que puidese sufrir os carretes, copias ou os arquivos dixitais.



As obras presentadas á maratón quedarán en propiedade do Concello de Camariñas. O/A autor/a conservará a autoría intelectual aínda que, cederá en exclusiva e irrevogablemente os dereitos de reprodución das series fotográficas, e das fotografía, para a súa exposición, publicacións ou en calquera outra modalidade que o Concello considere oportuna.

Só poderán participar as persoas inscritas segundo normas desta maratón e que se identifiquen con DNI ou documento oficial no control inicial.

Durante o transcurso do maratón existirá un Comité de control, formado por tres persoas da organización, que estará facultado para resolver as controversias ou circunstancias especiais que puidese xurdir, así como para interpretar as presentes bases. A súa decisión terá carácter definitivo. A participación neste maratón implica a plena aceptación das bases.

Para calquera dúbida ou aclaración:

- **Teléfono:** 981737004
- **Dirección:** ATT/ Área de Igualdade. Praza de Insuela, s/n 15123 Camariñas
- **Horario:** 8:00 ata 15:00 horas.
- **Persoa de Contacto:** Patricia Vaquero. Técnica de Igualdade do Concello de Camariñas
- **Correo electrónico:** muller.ssociais@camarinas.net